



Broj: 02-11-2011/22  
Datum: 03.11.2022 godine

Na osnovu člana 69. stav (2). tačka e), a u vezi sa članom 72. stav (3) tačka e) i čl. 70. st. 1, 4. i 6. Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku pod br. 02-11-2011/22 od 01.11.2022 godine, u postupku javne nabavke radova na sanaciji trupa lokalnog puta Kladanj – Brateljevići u naselju Omečetovac, kroz uređenje korita rijeke Drinjače, Općinski načelnik d o n o s i

### ODLUKU

o poništenju Odluke o dodjeli ugovora drugorangiranom ponuđaču i  
poništenju postupka javne nabavke

#### Član 1.

1. Poništava se Odluka o dodjeli ugovora drugorangiranom ponuđaču br. 02-11-2011/22 od 04.10.2022 godine, kojom se ugovor za javnu nabavku radova na sanaciji trupa lokalnog puta Kladanj – Brateljevići u naselju Omečetovac, kroz uređenje korita rijeke Drinjače izgradnjom potpornog zida, dodjeljuje ponuđaču „Promet Tabić“ doo Kladanj, ponuda pod br. 03/9-11-2525/22 od 15.09.2022 godine, kao prihvatljiva i po redoslijedu drugo-rangirana – s osvojenih 89,98 bodova, prema kriteriju -ekonomski najpovoljnija ponuda. Cijena ponude bez PDV-a je 207.102,82 KM, koja je u okviru planiranih sredstava za predmetnu nabavku, a iz razloga što je drugorangirani ponuđač propustio potpisati ugovor o nabavci u roku koj mu je odredio ugovorni organ.

#### Član 2.

2. Poništava se postupak javne nabavke radova na sanaciji trupa lokalnog puta Kladanj – Brateljevići u naselju Omečetovac, kroz uređenje korita rijeke Drinjače, a iz razloga što je cijena trećerangiranog ponuđača „Holex“ doo Živinice, ponuda pod br. 03/9-11-2522/22 od 15.09.2022 godine, kao prihvatljiva i po redoslijedu treće-rangirana – s osvojenih 67,44 bodova, prema kriteriju -ekonomski najpovoljnija ponuda, u iznosu od 280.693,26 KM bez PDV-a, znatno je veća od osiguranih sredstava za predmetnu nabavku.

#### Član 3.

Ugovorni organ će, kada se steknu uslovi, ponovno pokrenuti postupka predmetne javne nabavke.

#### Član 4.

Za izvršenje ove odluke zadužuje se Općinska Služba za budžet, finansije i poduzetništvo.

#### Član 5.

Ova odluka objavit će se na web-stranici <http://www.kladanj.ba/> istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### Obrazloženje

Postupak javne nabavke pokrenut je Odlukom broj: 02-11-2011/22 od 22.08.2022 godine.

Javna nabavka je provedena putem Otvorenog postupka.

Procijenjena vrijednost javne nabavke: 207.119,45 KM bez PDV-a.

Objavljivanje obavještenja o nabavci: (Obavještenje br. 241-1-3-32-3-20/22, na Portalu javnih nabavki: 23.08.2022 godine, u „Službenom glasniku BiH“, br. 58/22 od 26.08.2022 godine).

Ponuđači koji su preuzeli TD sa portala JN, Datum objave: 23.08.2022, Datum kreiranja izvještaja: 15.9.2022. 8:14  
Izvještaj kreirao: Senahid Šarić.

| R.br | Naziv ponuđača koji je preuzeo TD | IDB/JIB       | Datum i vr.preuz. TD |
|------|-----------------------------------|---------------|----------------------|
| 1.   | EKAPIJA DOO                       | 4950134590001 | 23.8.2022. 11:00:27  |
| 2.   | BBS EUROPE                        | 4403188520008 | 23.8.2022. 11:28:35  |
| 3.   | PROMET TABIC DOO                  | 4210130720004 | 23.8.2022. 13:27:35  |
| 4.   | GRAMAT D.O.O                      | 4209099860007 | 23.8.2022. 13:54:28  |
| 5.   | "TEHNOMETAL"DOO VLASENICA         | 4400271650003 | 24.8.2022. 7:25:42   |
| 6.   | HOLEX D.O.O.                      | 4209226560000 | 25.8.2022. 8:04:35   |
| 7.   | UNIBAU D.O.O.                     | 4210239140008 | 25.8.2022. 11:21:06  |
| 8.   | JOJA - TRANSPORTI D.O.O           | 4210359550005 | 30.8.2022. 8:56:29   |

**Naziv i sjedište svih ponuđača, prema redoslijedu zaprimanja ponuda:**

| R. br | Broj protokola                     | PONUĐAČ                        | Cijena bez PDV-a (KM) | Popust (KM) | Cijena sa pustom (KM) | Rok garancije (mjeseci) |
|-------|------------------------------------|--------------------------------|-----------------------|-------------|-----------------------|-------------------------|
| 1.    | 03/9-11-2518/22<br>15.09.2022 god. | „Joja-Transporti“ doo Živinice | 197.862,14            | -           | 197.862,14            | 60                      |
| 2.    | 03/9-11-2522/22<br>15.09.2022 god. | „Holex“ doo Živinice           | 280.693,26            | -           | 280.693,26            | 24                      |
| 3.    | 03/9-11-2525/22<br>15.09.2022 god. | „Promet Tabić“ doo Kladanj     | 207.102,82            | -           | 207.102,82            | 24                      |

**Tabela- Rangiranje ponuda prema kriteriju za izbor ponude:**

| r/b | Naziv Ponuđača                 | Cijena ponude bez PDVa (KM) | Popust (KM) | Cijena ponude bez PDV-a sa popustom (KM) | Cijena ponude sa PDV-om i popustom (KM) | Broj bodova za ponuđenu cijenu (P) | Rok garancije za izvedene radove (mjeseci) | Broj bodova za rok garancije (G) | Ukupno bodova (T) T=P+G |
|-----|--------------------------------|-----------------------------|-------------|--|---|------------------------------------|--|----------------------------------|-------------------------|
| 1.  | „Joja-Transporti“ doo Živinice | 197.862,14                  | -           | 197.862,14                               | 231.498,70                              | 90,00                              | 60   | 10,00                            | <b>100</b>              |
| 2.  | „Promet Tabić“ doo Kladanj     | 207.102,82                  | -           | 207.102,82                               | 242.310,30                              | 85,98                              | 24   | 4,00                             | <b>89,98</b>            |
| 3.  | „Holex“ doo Živinice           | 280.693,26                  | -           | 280.693,26                               | 328.411,11                              | 63,44                              | 24   | 4,00                             | <b>67,44</b>            |

Odlukom br. 02-11-2011/22 od 21.09.2022 godine ponuda ponuđača: „Joja-Transporti“ doo Živinice, pod br.: 03/9-11-2518/22 od 15.09.2022 godine, izabrana je kao prihvatljiva i prvorangirana – sa ukupno 100 bodova, prema kriteriju „ekonomski najpovoljnija ponuda“. Cijena navedene ponude je iznosila 197.862,14 KM bez PDV-a, međutim izabrani ponuđač je propustio dostaviti originalne ili ovjerene kopije dokumentacije iz člana 45. Zakona o javnim nabavkama u roku koji je odredio ugovorni organ, te je Odlukom br. 02-11-2011/22 od 04.10.2022 godine, poništena navedena odluka i ugovor se dodjeljuje ponuđaču „Promet Tabić“ doo Kladanj, ponuda pod br. 03/9-11-2525/22 od 15.09.2022 godine, kao prihvatljiva i po redoslijedu drugo-rangirana – s osvojenih 89,98 bodova. Cijena ponude bez PDV-a je iznosila 207.102,82 KM, koja je bila u okviru planiranih sredstava za predmetnu nabavku.

Kako je drugo-rangirani ponuđač propustio potpisati ugovor o nabavci u roku koj mu je odredio ugovorni organ, Komisija za javnu nabavku, a koja je imenovana rješenjem broj: 02-11-2011/22 od 09.09.2022 godine, dostavila je ugovornom organu dana 03.11.2022 godine Zapisnik sa preporukom o poništenju predmetnog postupka javne nabavke, a iz razloga što je ponuda ponuđača „Holex“ doo Živinice, koja je slijedeća kao trćerangirana na rang-listi - sa ukupno 67,44 bodova i ponuđenom cijenom od 280.693,26 KM bez PDV-a i bez popusta, neprihvatljiva za ugovorni organ, jer nije u okviru planiranih sredstava za predmetnu nabavku, tj. znatno je veća od osiguranih sredstava za navedenu nabavku

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nedvojbeno je utvrđeno da je cijena trćerangirane tehnički ispravne ponude znatno veća od osiguranih sredstava za predmetnu nabavku, čime su se stekli zakonski uslovi za poništavanje postupka javne nabavke.

Ugovorni organ će, kada se steknu uslovi, ponovno pokrenuti postupak predmetne javne nabavke.

Iz navedenih razloga, primjenom člana 69. stav (2). tačka e), a u vezi sa članom 72. stav (3) tačka e) Zakona o javnim nabavkama BiH, te kako je cijena i trćerangirana na rang-listi znatno veća od osiguranih sredstava za predmetnu nabavku, odlučeno je kao u članu 1. ove odluke.

**POUKA O PRAVNOM LIJEKU**

Protiv ove odluke može se izjaviti žalba najkasnije u roku od 10 (deset) dana od dana prijema iste. Žalba se izjavljuje ugovornom organu u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, ne manji od tri.

Dostaviti:

- Ponuđačima: 3x,
- U spis predmeta 2x
- web-stranici <http://www.kladanj.ba/>, 1x



**OPĆINSKI NAČELNIK**  
Jusuf Čaykunović, dipl.ing.